

丹徒縣志撫餘

72553

5

北 220145

41

5

39 =

5

39 =

丹徒縣志摭餘卷八

人物五

儒林文苑

國朝

柳興恩原名興宗字賓叔道光壬辰舉人蕭山湯文端
金釗三次典試江南得其文嘆爲樸學士治毛詩著
毛詩正義糾補知毛公師荀卿荀卿師穀梁以穀梁
春秋千古絕學纂穀梁春秋大義述儀徵阮文達元
見之許爲扶翼孤經長沙王學使先謙訪求遺書子
牲春以穀梁大義述上之得於國史儒林立傳林文
忠則徐撫蘇時值水災條陳賑撫事宜文忠評以有
識曾文正國藩督江南往謁談竟日文正目爲儒者

丹徒縣志摭餘

卷八

儒林文苑

一

氣象選句容縣教諭以粵逆竄踞未赴流寓所至輒
宣講 聖諭著輔治要畧一冊家故貧修脯所入周
無告市書籍建宗祠增置文廟祭器年八十餘猶橐
筆跨大江南北應書院課膏火悉助善舉生平敝衣
惡食嘗曰盡一分心造一分福受一分苦添一分樂
光緒辛巳卒年八十六又著虞氏逸象攷證二卷周
易卦氣補四卷易卦值日用事八卷尚書篇目考二
卷毛詩正義糾補三十卷詩譜考佚一卷讀詩地理
考二卷儀禮釋宮考辦二卷羣經異義四卷賈孔疏
義異同評二卷說文校勘記十四卷史記校勘記三
十卷兩漢書校勘記六十卷南齊書校勘記十五卷



劉向年譜二卷達心齋詩文集壹宿齋詩文集率土
徵獻錄待旌錄等書經亂多散佚元和陸教授希文
挽詞云深於經核於史雄於文綜易書詩禮春秋博
於考稽更類宮俎豆重賴修明學行躋古賢抗懷在
炎漢東西而上老有終壯有用幼有長逮鰥寡孤獨
廢疾窮有贍養願寰宇痾瘵都彌缺陷施濟廣宏抱
被澤遍大江南北之間宣統紀元籍紳鮑心增等稟
請奏准崇祀鄉賢子六森霖觀復觀恒森材森瑩牲
春弟榮宗字翼南

見正志
文苑

著有說文引經考異十六

卷附載儒林傳

莊忠棧字希祖號中白性玄穆好深湛之思少治易通

丹徒縣志摭餘

卷八

儒林文苑

二

張惠言焦循之學又好讀緯以爲微言大義非緯不
能通經世業鹽筴麤網改家中落及忠棧長好讀書
益盡廢生產貧甚走京師應京兆試數被斥偶以文
學見知喬侍郎薦爲府同知雅弗願兵間有所自試
卒無成亂定校書淮南往來揚州江甯傳食大府學
以大就著書數十萬言嘗寓書仁和譚廷獻曰僕所
著不下十數皆可散棄惟所著周易通義八十一篇
爲生平心力所注以待後世子雲者又寓書儀徵劉
壽曾曰忠棧治經於聲音訓詁無所通曉所服膺者
在董子公羊春秋之學以爲孔門微言寄焉忠棧此
書合易春秋爲一放繁露而作也精氣爲物游魂爲

變人道之犬豕爰託始於此而終於易不言禹悲哉
悲哉事未可一二爲外人言也非通經而能最言之
得失者不能序其書以屬子矣又著蒿庵詞二卷窮
源竟委根柢盤深與譚廷獻齊名陳廷焯白雨齋詞
話有曰蒿庵詞匪獨一代之冠實能超越三唐兩宋
與風騷漢樂府相表裏自有詞人以來罕見其匹而
究其得力處則發源於國風小雅胎息於淮海大成
而寢饋於碧山也光緒四年年未五十卒女夫許承
家爲刊蒿盦遺集十二卷其易荀氏九家義九卷易
緯通義八卷未刊

顏錫名字子嘉號艮亭歲貢生張崇蘭入室弟子以經

丹徒縣志摭餘

卷八

儒林文苑

三

學著名著三傳求歸春秋後傳及屈騷錯宿等書研
經之暇尤嗜倚聲有借一枝軒詞鈔仁和譚廷獻選
入篋中詞續跋云近代諸生自毛西河朱竹垞以還
江艮庭焦里堂張皋文諸公咸工詞故吾鄉龔定龔
言詞出於公羊意內言外之旨非窮經者不能罄其
曲折也光緒初與楊履泰李宗元羅志讓共修邑志
徵文攷獻厥功甚偉邑中善舉亦竭力維持使無告
之民各得其所年七十卒

柳鍾字堯千諸生性孝友有弟乖戾鍾隱忍自責卒能
感化其弟粵匪告警助丹陽守備守城指揮擘畫賴
以治安事平辭不受獎寓安豐場授徒自給家貧脩

然自得非義不取生平學問得力於慎獨二字光緒初固里年七十五卒子安慶有孝行宦游直北孫二保森保和諸生均能世其學

李鎭字朝儀號柳衣諸生乾隆甲午亞元揀選知縣是科解元管世銘首題享禮有容色文載吳蘭陔氏讀墨一隅其跋云冠裳玉珮元作蔑以加矣此則語帶煙霞氣含蔬筍相其姿致如獨孤及側帽郭林宗墊巾翛然塵壒之外洵文中逸品也與邑人柳綦攝齊升堂一節元墨並重一時詩不多作刻入京江耆舊集並寶晉書院志

周恩綬字佩仙號艾衫道光乙未進士官翰林院編修丹徒縣志據餘

卷八

儒林文苑

四

著有享帚齋詩古文詞駢體文集吳金潤曰讀艾衫詩如陸士衡文披沙揀金往往見寶費庚吉云詩中多勵節之詞無一牢騷語寄心盦詩話艾衫罷官後游梁宋江漢間朱寅庵題其集云江左文章張籍富梁園賓客長卿貧才人抑鬱而逝惜哉中年因事罷官主講河南上蔡書院年三十餘卒子天麟知山西澤州府事晉道銜應麟知河南固始縣事

趙彥偁字君舉號聲庵道咸間屢科房薦未售文名籍甚爲一時賢士大夫所推許以諸生歷充學幕十餘年所取多績學知名士生平重品誼非禮者不與苟同且怒目相加不稍寬假此尤爲士林所爭道者箸

述甚富經粵亂散失過半僅存積微精舍遺箸五種
曰學小辯齋筆記曰辛庵語曰丹徒碎語曰三願堂
古文僅存三願堂古近體詩與邑人柳興恩張崇蘭
楊棨法芝瑞輩日以明經提倡後進會文正國藩嘗
稱其詩文得力於經學者多子徵禾勳禾徵禾字聘
山光緒戊子舉人同知銜註冊本班先知縣敦品好
義一秉大公歲壬辰王守仁堪諳屬整頓育嬰卹糈
兩善堂事徵禾力辭充董不得已定約暫理一年不
領薪水凡一切章程悉心規定創刊徵信錄昭示來
茲鄉人敬焉初就南京將軍魁幕嗣襄校江陰南菁
書院課卷經學湛深克繼父志著思位軒共四種徵

丹徒縣志摭餘

卷八

儒林文苑

五

禾子申伯候補中書科中書勳禾子鴻謙

吳台朗字次垣號波孫祖兆揚澹於榮利工書畫

正志有傳

台朗克繩祖武善八分書又工奏議道光己亥順天
舉人庚子連捷會魁禮部郎中軍機章京任山東濟
東泰武臨兵備道弟台壽字介臣號愛山與兄同舉
京兆試辛丑考取覺羅官學教習庚戌成進士工部
郎中山東道監察御史擢四品京堂主講揚州安定
書院潛心經史尤精許氏之學篆隸行楷兼擅眾長
弟台章道光己酉舉人台壽子三毓庭佑曾琪曾

趙彥修字季梅道光丁酉舉人內廷謄錄庚子舉人
官至江甯府教授同治庚午大計卓異加內閣中

書銜與曾國藩薛時雨戴望蕭穆輩十數人詩酒往還大有宏獎風流之概書法米南宮名重一時著三硯齋詩牘子樹禾遂禾樹禾字碩甫同治甲子優貢朝考二等以教職用考取八旗官學漢教習歷任楊山蕭縣海州校官庚午舉於鄉光緒丙子成進士改翰林院庶吉士散館授河南考城縣知縣充壬午科河南鄉試同考官以積勞病故年甫五十遂禾工書畫先卒正志有傳

楊履泰字子安晚號耕心老人道光庚子舉人治經緝易明禹貢精五經算術研政術通治河漕著周易倚數錄附勾股術河防策又嘗爲戴東原學未竟稿又

丹徒縣志摭餘

卷八

儒林文苑

六

有古文若干卷履泰博雅多通嘗作皇朝一統志賦黃河賦各數千言沈博絕麗不檢一書文不加點日未移晷畢二賦詩爲京江後七子之首光緒初修邑志多出履泰手選教諭未赴卒年七十三

謝庭蘭字湘谷諸生少嗜學經粵亂奔走大江南北顛沛流離中猶讀書不輟學宗宋五子篤信義理終身不改日孳孳以訓弟子嘗曰孟子云理義之悅我心猶芻豢之悅我口理義饜飫便能擔道義自爲完人時崇尚漢學多博通經名或譏其不識時務庭蘭曰韓子有言雖滅死萬萬無恨我之謂也願自以穿鑿言訓詁經義幾汨庭蘭起經乃漸明亂定卽絕志進

取專治六經尤精尙書所著古文悉本義理家貧飯
疏飲水樂在其中邑人韓弼元李慎儒僉云吾邑儒
者道咸中有張崇蘭今庭蘭足繼之金壇段載錫亦
曰庭蘭純乎儒者文於方苞爲近幼時與魁果肅玉
師事李洵同治初江南底定果肅以江甯將軍駐京
口時洵已歿子孫死於寇二孀媳僅存貧無以活庭
蘭言於果肅優恤之並爲洵置產立後邑中高其義
果肅益重庭蘭屢聘入幕輒辭著古文尙書辨讀尙
書隅見經說叢鈔韻考略嚙語摘鈔湘谷初稿續稿
吟稿賦鈔課徒草年七十七卒弟子私謚曰貞誠弟
子繆時孫爲立傳

丹徒縣志摭餘

卷八

儒林文苑

七

韓弼元字叔起晚號良叟道光癸卯舉人咸豐壬子進
士刑部主事光緒癸卯重宴鹿鳴加員外郎銜性孝
友咸豐丙辰奉父避寇金壇五葉村會賊大至父病
不能興弼元誓以死衛賊騎至村將過橋馬驚者三
疑有伏遂舍去事兄兆元掄元尤恭謹咸豐己未兆
元病篤醫束手弼元默禱神前願益以己壽果愈通
籍後居刑曹剛正不阿以折獄未當爭之不得歎曰
吾不能殺人以媚人也掛冠去生平淡於榮進曾文
正駐節祁門延入幕未就周文勤馬端愍均擬專摺
請於朝以彰儒效概堅辭之陝撫馮譽驥欲延佐
治未便遽達乞沈文肅轉致之弼元亦婉謝晚年主

講梅花書院當時多訓誥好穿鑿弼元痛經學凌夷
不絕如縷乃以理學勗士子曰治經以闡明聖學若
爭論於一句一字於經何補時重理學者邑有謝庭
蘭與弼元爲講學至友雖處各一方然聲氣通感匡
扶世運實丕賴二人同治癸酉有商人稟請直督於
徒邑句容一帶開山取煤內多外股影射邑人甚恐
弼元馳書大吏止之勒碑郡學永行禁止光緒壬辰
徒邑大荒與郡守王仁堪倡捐賑存活無數乙巳卒
年八十四著文述詩述若干卷翠巖室文鈔詩鈔共
四卷子景修景伊均績學早逝著有同懷詩文集

周伯義字子如號焦東野史歲貢生少豪邁善擊刺好

丹徒縣志摭餘

卷八

儒林文苑

八

與俠士游長折節讀書專究性命身心之學取與不
苟嘗登三山考求掌故席地抄寫懷餅數枚飢輒食
之僧或以香積進力辭不受然和易近人恆與少年
同舟少年逞狂論而伯義不與較獨坐一隅生平尙
氣節每以維持風俗爲己任日訓弟子務先器識後
文藝縱覽百家耆金石工篆隸鐵筆尺磚片瓦保守
不失尤喜蒐揚幽隱多藏名人書畫而詩古文辭愈
工李學使聯琇嘗激賞之王太守仁堪評月課卷云
令我輩登科自愧著焦東志揚州夢從軍紀略重修
金山志北固山志焦東閣詩存焦東閣日記輯京江
後七子詩

李承銜字雲甫道光乙酉拔貢朝考二等以知縣用改
教職選安東縣教諭同治丁卯舉人幼穎異觀書日
十行下博通經史文譽隆盛任安東時殷殷以力學
敦品爲士子勸士風丕變著有自怡軒時藝一卷隨
筆偶存二卷楹聯賸話四卷卮言四卷遺存耳順集
一卷年六十五卒子慎德恩貢生就職教諭署安東
縣教諭代理阜甯清河桃源三縣教諭慎福邑廩生
王傑字卓英號萍莊布衣邑之焦東人少孤不樂仕進
隱於賈抗懷高尚好讀書恆夜讀達旦博覽經史百
家工詩自唐迄國朝名人詩集無不研究同邑韓比
部弼元戴太史恆李慎儒吳麗生兩孝廉謝庭蘭周
丹徒縣志摭餘

卷八

儒林文苑

九

伯義兩明經時相唱和爲人醇篤不苟重義輕財里
稱長者著漱石軒詩集年五十九卒子明治明安均
諸生有父風

王樹勳字厚庵諸生光緒戊子舉人宣統己酉舉孝廉
方正敦孝友尙氣節幼嗜程朱學至老彌篤尤服膺
陸清獻公專心經史不事帖括晚年耽於易著勤補
齋讀易集未竟而卒生平廉潔自持足不涉公署有
族人罹於法謀營救多方賂之不爲動教弟子務以
品行爲先故游其門者多正士邑人趙繼仁譔傳略
趙夔字筱村諸生少折節讀書從趙君舉陳秋河遊好
古文學有根柢不屑時趨敦行立品雖處困難之境

爲人抑揄猶守正不阿不改節操凜凜然有義氣鄉人敬之公上私諡曰文貞先生著易象廣義可同詩文集姪孫紹曾爲立傳子繼仁諸生有父風格守遺訓嘗曰五倫外別無聖賢六經中自有事業其行誼可知

李文榮字冠仙晚號如眉老人廩貢生工時藝精醫

正志

方技有傳授徒里閤及門成進士者三慶安順安慶雲皆其弟子也初就陶文毅澍聘主講南滙青浦兩書院講席繼入袁江醫館受文毅知遇十五載不干以私有惑以利勸出名行淮北票鹽者文榮固辭不受生平重孝友嘗曰事父母者總作父母只生我一人看

丹徒縣志摭餘

卷八

儒林文苑

十

自無推諉計較諄諄以行誼勉士子著有含飴堂課孫草仿寓意草知醫必辦各集行世重游泮水卒年八十三有含飴堂重游壁水詩集子士彬士杓士林均諸生士彬制藝刻入周學使系英江蘇試牘傳誦一時士杓著月華軒詩草士林著留春館吟草餘齡漫筆重游泮水唱和詩集卒年八十有三亦重游泮水

劉鶚字鐵雲候選道生平學術淵深通曉洋務光緒庚寅經魯撫張曜奏調辦理河工熟諳機器船械水學力學電學算學測量等藝著有句股天元草弧角三術歷代黃河變遷圖考鐵雲藏龜鐵雲藏陶多種

李復曾字繼初號莪園祖廷樑父堯階均諸生復曾道光辛巳恩科副榜房薦七次堂備二次卒未得一第澹如也已酉選江浦教諭與諸生講求經藝士氣丕振咸豐癸丑粵氛告警浦邑空虛無武備奉檄協辦團防晝夜罔懈得獎晉銜嗣避寇泰州曲塘鎮如臯李家堡從游者踵相接著述甚富經亂散佚惟存賦如千篇選入律賦新機律賦新編及潤州賦鈔子寶鎔寶鑄亦均諸生有聲庠序

李大生字友仁諸生秉性渾厚處臯季間無疾言遽色工書筆氣豐娛而靜弟大倫字肇修郡廩生候選訓導歷科堂備劬學尤勤聞藝多秉經如詩之集句然

丹徒縣志據餘

卷八

儒林文苑

十一

箸有易鑰旁及詩賦有詠山水詩一卷佚去爲人性侃直不畏強禦處家事持大體弟大奎字聚東邑廩生天資穎悟學問駭博工擘窠書及十七帖制藝尤有聲有贈几谷上人聯云隱几看山將凡心脫了一點居谷避世把俗人放在半邊膾炙人口貌臞而黃有小印鑄人比黃花瘦五字詩不多作作輒工父墓在西麓以疑忌未葬奎對家人日動土有禍我當之眾語塞遂葬果於次年卒

莊兆曾字慕沂道光己酉拔貢庚戌朝考擢一等第四咸豐初粵寇起東南無寧宇奉親避興化隱居教授湘鄉曾文正公國藩常熟翁尙書同龢以師友誼

先後貽書相招辭不赴晚年授如皋縣教諭兼掌教
安定書院成材甚眾歿後其邑私祀遺愛祠邑乘立
傳詩宗杜陵著有舊學庵稿江上孤帆集昭陽寓集
越游草家山感舊集瓢城集藤花吟舫等集弟羨曾
字欣園同治丁卯補行咸豐辛酉拔貢權溧水縣教
諭贛榆縣訓導里居及所在逆旅凡屬公益知無不
爲今上海京江公所皆其旅滬時與同邑孫雲階王
雲亭諸人所建著有瑞芝山房駢古文鈔鐵梅詩稿
子啟傳宣統己酉拔貢

徐維城字韻生號綱伯寄籍順天通州祖彬正志儒林
有傳父勳道光戊子舉人維城生有異稟承祖父學

丹徒縣志摭餘

卷八

儒林文苑

十三

以詞賦世其家甫弱冠舉道光甲午京兆試名噪都
下遍交當世名流晚任貴州貴筑縣知縣其詩導源
漢魏包孕唐宋際咸同之亂流離兵革睽懷君國凡
感時撫事以及身世之慨一發於詩渾灑沈痛不讓
杜陵諸將北征諸什瑞安孫衣言歎爲才氣之大一
時無兩桂林朱琦謂其性情肫摯忠愛油然而才筆
雄大極絕倫逸羣之致徐溝喬松年贈句云詩如老
杜堪稱史皆深知維城之詩者光緒十六年卒著有
天韻堂詩存八卷賦鈔一卷

李大昭字秩音郡廩生性仁厚與人交不翁翁熱不踈
踈涼設教數十年終始不懈見時人計較廩保費嘗

引以爲恥嗜茗飲竹鑪石鈔位置左右暇則儻然獨坐從不預公事品學優純時流罕及著有晴村時藝帖體詩

鮑上宗字仲銘曾祖皋祖之鏞父迴見正志文苑儒林上宗少穎敏劬學詩文承家學又從尤次楫羅慎卿楊榮諸名宿游所造益深尤以孝友爲重經赭寇亂刻苦固窮臨財不苟庚午鄉試產鹽各邑奸商牟利售私啗士子包庇上宗時僑居東亭有以此策進者峻拒之丁光祿紹周聞其名薦董普仁堂留養所事畜養殘疾必令飽暖一切施醫選藥掩骼埋胔悉殫心經畫不以循例塞責普仁舊有公莊地兵燹後率

丹徒縣志摭餘

卷八

儒林文苑

三

爲人隱佔斷斷力爭得復至七十畝儉人怨謗交集而堂產藉以稍裕故老多有歎息稱道者光緒初與楊履泰顏錫名共修邑志上宗熟於桑梓掌故百年文獻網羅遺佚賴其力爲多錫名經術醇粹而上宗深於易學間出一義相質證輒深推服然不欲以箋註名性儉約敝裘蔬食至老不渝惟日以書冊自娛已亥年八十二重遊泮水著有樗瘦存稿子心詮諸生恩暄舉人

張汝陽字至生父鶴齡正志文苑書畫均有傳汝陽承家學善文辭亦善書畫性孝友淡榮利同治庚午中副車絕意進取慨然曰此生授徒養親毋曠定省乃

幸事也教弟子循循善誘館陳姓幾二十年陳猝故以孤相託諾之教誨愈勤有富紳賁厚禮聘謝不往迨陳生游庠方辭去邑宰汪坤厚延辦河工力却之惟節孝祠及族中祠田竭蹶任事始終如一自幼至老手不釋卷酷嗜春秋傳莊子楚辭史記及六朝文年八十許已失明尙能背誦無訛尤耽吟詠憂傷感喟悉達於詩間著論說多前人所未發晚命幼孫彙錄存稿一卷名曰盲人語又嘗手鈔明史列傳八十卷將竣因目疾止常以爲恨書法顏歐畫仿沈石田詩古體類韋孟當時咸稱道焉卒年八十七重游泮水

丹徒縣志摭餘

卷八

儒林文苑

古

高桂生字粟芬別號薌崖廩膳生幼承庭訓弱冠以治經受知於學使者家貧橐筆走四方謀食養親所至與文人宿學遊學益進工八法自漢魏及唐宋碑版臨摹殆徧而折衷於顏歐片縑尺楮識者珍之時值寇亂又早膺瘵疾遂絕志進取授徒課子以治經世其業尤邃於醫不欲出而問世貧者施診輒效年三十六卒以子覲昌貴贈通奉大夫

鮑上傳字幼宣諸生孝廉迥第五子幼出後世父邃事節母薛及本身父母均以孝稱事諸兄尤恭謹經粵匪亂貧甚資舌耕爲事畜計盡心誨迪同治辛未嚴助教作霖延爲邗上撫孤塾師閱十六年造就尤眾

以勞瘁致隱疾光緒丁亥鄉人公舉經理繼撫塾

見正

志學

校越歲並籌辦完節堂規條縝密足垂久遠初年

經費奇絀持以堅忍追成效顯著官紳商富咸樂捐助規模日擴并漸置恆產丁未年八十三卒時入堂節婦已由二十戶擴至百二十餘戶孤子增至五塾食指四百數十矣

詳尚義

經畫逾廿載而纖塵不染不

支脩薪雖有子宦京師而家實寒素也先於乙未募修府縣學訂灑埽會章歲加修葺遂歷久無大工會計報銷纖悉無隱王邑侯芝蘭託爲未睹他如儒菴會榛思文社及平糶救災諸善舉凡經擘畫罔不弊祛利著王太守仁堪甫入蘇境卽聞其名下車首整

丹徒縣志摭餘

卷八

儒林文苑

五

頓普仁留養各善堂又創建南瀟學舍咸委重焉而法良意美久庇孤寒者要以完節堂繼撫塾爲心力所專注性和易遇人以誠蒞事持大體人有不及常隱爲之地不以所難苛之而志節皦皦一毫不自汗於風俗彫敝之會實隱有維持中年後文境古厚眞樸廣陵山長陳孝廉桂馨名宿也見其文歎異曰近今章句中猶有此等筆墨耶疾將革諭其子曰愛天之所愛以盡吾義并愛天之所不愛以盡吾仁馮中丞煦撰墓誌銘曰斯語也與橫渠張氏民胞物與之說相表裏然橫渠之說渾同無別易爲異學所藉若先生推闡義仁本末犁然足以補橫渠之窮而爲百

世則矣亦可證其學有心得也 誥封通議大夫宣
統二年同鄉京外官紳二百餘人公贈私謚曰貞惠
先生長子心源字峴滋諸生幼有至性家貧館遠方
學使者臨郡弗歸而寄貲促弟心增往弟獲雋而已
後顧久躡場屋嘗縣試冠軍爲閱卷者賄抑後佐文
侍郎治閱試卷由浙而粵雖廢卷必瀏覽曰吾不忘
身受之冤也嘗得一卷微破損收卷戳記已列諸廢
卷閱文佳特加批力薦竟以前茅招覆嘗附輪舟返
滬同舟客與通欵曲過他埠客上岸不返心源代挈
裝歸其滬寓其仁恕濟物多類此贈中憲大夫

李步青字吟白晚號遜齋光緒乙亥副榜童時習制藝

丹徒縣志據餘

卷八

儒林文苑

六

輒好讀兩漢書初應試趙郡守佑宸異其文四試皆
冠軍乙亥鄉試卷已魁選填榜時主試覆勘三藝稍
涉史事抑置副車自是絕意進取覃精乙部上窺三
古旁及百家無書不觀尤多識南朝故實大江南北
老師宿儒過從談論企其襟抱謂如遇晉宋間人年
過五十記誦經文未嘗遺一字郡校初立步青主講
義成就者眾生平熟春秋左氏傳暇則抽繹其義嘗
謂孔子作春秋上繼虞夏商周之書皆史書也左氏
依春秋作傳雖事繁文勝而後之學者欲明三代之
禮求周公仲尼之道非通左不能達北學之源迺譔
周禮講義先證之以左氏次證之以史氏成一家言

與箋疏攷据異性至孝事母愉色婉容其不事科舉
隱居研經承慈訓也執友郭筠嘗過其先壠鄉人述
步青祭掃遠望岡阜卽下車徒步其誠摯如此著周
禮左傳講義南朝紀事本末南朝雜事詩遞齋隨筆
詩文雜著若干卷

劉炳奎字稼門與兄炳勳均諸生父茂璋正志尙義有
傳炳勳先舉同治孝廉方正敦尙品誼亦工於詩嘗
合周伯義明經解爲翰布衣詩爲歲寒集進呈曾文
正留覽嘉賞光緒紀元同學復舉炳奎孝廉方正難
兄難弟人爭榮之炳奎澹於榮利未嘗入都謁選隱
居諫壁述先人庭訓以德義垂教里鄙化之作文磊

丹徒縣志摭餘

卷八

儒林文苑

七

落英多閒以餘事爲詩周伯義選京口後七子詩以
炳奎兄弟詩合之爲二徵君詩其序炳奎詩有溫柔
敦厚直抒性情之目炳奎所著有桐華山館詩鈔梓
行炳勳有雩麓山房詩彙刻後七子集中

節錄七子
詩序及桐

華山館
詩序

汪慶生字崧甫父珩性爽直無城府樂成人美慶生幼
有異稟六歲卽喜弄筆爲文時值咸豐初洪楊之亂
避寇於江北父母相繼歿貧不能支幾廢學從兄悅
菴長異愛其質優而志堅請於叔父友琳珣共任教
養之事卽攜歸屬弟廩生雲谷慶曾爲之師劬學特
甚稍長就試金壇又從袁雨花封翁淇遊弱冠補諸

生光緒乙亥年二十六舉于鄉屢躋春闈庚寅始成
進士官戶部主事戶部多腴差爲京曹所樂趨慶生
廉正澹泊每入署歸輒鬱鬱寡歡若有不概於心者
庚子畿輔拳亂起時先南歸養疴於悅菴寓廬七月
聞 兩宮西狩涕泗縱橫以不得隨扈爲痛 迴鑿
後復入都供職見時事日非遂改就教職尋選蘇州
教授蘇庠爲范文正公遺蹟暇日以課嗣子讀書爲
樂值變法罷科舉宣統己酉特試優拔倍額充貢赴
學求舉者循例餽贄合銀幣數百慶生念諸生多寒
酸悉卻之庚戌春遽引疾乞休固未憊也逾年世局
大變人疑其有先見愀然曰非也吾生平皆得力於

從兄悅菴退字訣耳蓋悅菴篤於倫紀勇於行義而
名利所在則泊然寡營慶生學成名立悅菴實翼之
聞其鄉會告捷喜爲生平快事然不欲其騫進恆書
退字寄之慶生垂老猶拳拳服膺也遂賃宅興化與
悅菴子諸生承業對宇而居友于之愛沒世弗衰從
叔父友琳先故乃迎養從叔母於家其身後事皆預
爲經畫一生崇實黜華然諾必踐誨人無倦容與人
無德色朋儕僚友飫其德皆敬愛無閒言耻言居積
服官廿年家無長物至老好學弗倦手不釋卷以編
輯家乘爲日課壬子六月卒年六十三葬泰州城東
嚮練莊著有詩文若干卷藏於家

李宗元字起之同治甲子舉人溧水縣學訓導性慈愛嘗訓其子曰見人厄而不救與殺人同生平克踐其言居鄉公正爲當道所推重邑侯汪坤厚尤獎其廉董普仁堂事凡修郡邑兩學宮及縣志等舉皆恪勤將事性渾厚豪飲與人一賓以和在任僅二載溧人士咸謂如坐春風中焉從子允昌字禹言諸生宗先子工楷法能作擘窠書生平最敬師師皆心喜之亦豪飲性和厚儉樸嘗語人曰書訓昌言爲盛德之言予取名藉以自惕耳宗元子允椿諸生

曹丙榮原名爾庚字樹人咸豐丙辰歲貢生平規步矩趨言行不苟有古君子風嘗註四子書全部引證精

丹徒縣志摭餘

卷八

儒林文苑

七

確尤足羽翼經傳士林重之著耕心書屋文鈔帖體詩律賦等集光緒丙申重游泮水年八十七卒子學珍諸生

殷元善字穉鴻性孝友好學不倦咸豐壬子舉於鄉歷官新陽海門訓導崑山吳縣上海教諭通州學正教士以器識爲先嘉惠寒峻所至稱頌生平無書不覽自經史帖括詩古文詞外旁通星命醫卜之學顧雖文士而亢爽有奇氣夙負經世略咸同間髮匪擾亂嘗從事戎行屢著奇績崑城之復與有功累保知縣而性淡榮利且以世俗攀援爲恥遂終於教職卒年七十四子二鶴年松年光緒甲午優貢官靖江

青浦訓導浙江補用知縣

趙曾望字紹庭晚號薑汀同治庚午優貢生 朝考改內閣中書性耿介不喜制藝而小學經史諸家雜說靡不研究羣非之曾望不願著述益力雖祁寒暑雨旅館病榻不或輟任中書數年不樂仕進歸隱江南 歷主講蟻浦迴瀾學社魚灣文正書院江鄉海門文社著十三經獨斷二十一史類聚身章稿草心聲稿草字學舉隅右史新編楹聯叢話宛言耐移簡諒菑敵櫟論文節足語題畫養拙齋印存庶秋館雜箸耐移牘稿卒年六十六子宗抃光緒癸卯舉人

陳克劬字子勤父宗起正志儒林有傳克劬能讀父書

丹徒縣志摭餘

卷八

儒林文苑

三

同治丁卯舉於鄉掌教湖北勺庭書院所取多知名士生徒有丁禧翰奇其文招之來知爲寒士資以膏火益加獎勵越年竟領解時南皮張文襄公之洞督鄂爲子擇師抄一稿分送同城各掌教求點定克劬添改數處文襄折服遂延爲其子師著有詩文各集

見書目

善畫能以渴筆饒秀潤之氣時人爭求之

汪春霖字霽生祖如增嘉慶癸酉舉人時重科第有典業某踵門求見賄以數百金丐爲掛名股東藉資保障如增堅辭不納父書銜業蹉亦取與不苟至老無餘資春霖廩貢生克承先志安貧樂道課徒養親事無鉅細悉稟命乃行嘗以學吃虧三字訓子或謂爲

迂不恤也性至孝雖中年猶兒時之戀慈母年四十七卒子朝宗朝楨孝友一如其父

戴鼎元字新齋父憚見正志文苑諸生性狷介有志操勢利所在避之若浼賢而困頓者親之惟恐不及治古文有家法身後稿多散佚

戴以珣字笠樵恩貢生候選訓導潛心經史尤工駢體文詩筆矯健書法虞褚早歲以古學受知臨川李學使聯琇日爲雋才長沙徐侍郎壽蘅同邑丁光祿紹周疊聘襄校兩浙文字倚之如左右手旋歸里門筆耕餬口中年遭喪明之戚詩文多散失

李慎傳字君胄號子薪承霖宦績有傳子廩生同治庚午舉

丹徒縣志摭餘

卷八

儒林文苑

三

人江甯學訓導國子監學正性孝友篤學不倦寢饋經史及諸大家集旁逮讖緯星算之書工古文詩詞尤以古近體詩爲最任江甯學殷殷以立品向學勸士子士風丕變事父先意承志迥異尋常戚郇奉爲模楷與弟慎儒最友愛弟病量水檢藥匝月不倦已而宦游京師妻歿未歸慎傳撫猶子逾己子教育並至著植庵集十卷年五十卒邑人尹恭保爲立傳弟慎儒字君右號子鈞廩生同治甲子舉人任刑部郎中性超邁博聞強識嗜學不倦經史子集無不研究尤潛心地理學雖疾病行旅丹鉛不輟禮親王著嘯亭雜錄多所點竄王驚其淵雅招之謝不往同人視

爲奇遇勸其行笑曰鬱輪袍非吾輩所宜出也光緒
壬午回籍省親值兄病歿遂不出待子姪無歧視凡
郡城事無不竭力維持前太守福通王仁堪均深倚
重兩襄大賑全活無數與兄友于最篤雖在京師唱
和不絕時目爲大小蘇著禹貢易知編遼史地理志
考瀛寰新志邊疆簡覽蠅鑽錄鴻軒隨筆鴻軒詩文
鈔觀書偶鈔年七十卒慎傳子壽源歲貢生浙江知
縣壽祁廩生壽瑩附生壽書候選縣丞慎儒子壽文
廩生候選訓導壽榮附生壽開附生候選訓導壽慈
廩生安徽知縣

張祥書字笏山自諸生研精經史尤邃詩學里居授徒

丹徒縣志摭餘

卷八

儒林文苑

三

以優貢充正紅旗官學教習與諸生講求經籍有用
之學一洗帖括積習管學大臣侍郎長萃以國士相
待期滿報最以教職用歸仍授徒郡守王仁堪延入
幕待以賓師地方利弊必諮之旋授句容訓導量移
教諭士風一振宣統辛亥去職歸感慨時事往往高
歌泣下生平不喜著作間有吟咏隨手散失弟恩書
字稚樵同居共學克友克恭並聞鄉里恩書未弱冠
補弟子員潛心古學沈默自修稠人廣眾呐呐不出
諸口間與一二知己博論今古盱衡時局於義利之
辨涇渭之分絲毫不容假借詩古文辭俱有根柢時
人與兄稱二難光緒乙酉舉於鄉三上春官不第卒

清瑞字壽山蒙古人廩生年逾冠卽棄舉子業專習詩古文辭道光二十二年英酋犯順至鎮江聞清瑞名以禮延至兵艦清瑞意弗動不食二日乘間欲赴水酋知不能屈以肩輿送回適和議成故未死然益以風節自勵嘗閉戶嘯歌寤言一室或詣僧寮道院信宿不返咸豐八年粵寇踞金陵支黨逼境清瑞憂憤太劇卒於丹徒鎮年七十一著江上草堂詩集二卷客邸雜詩一卷孫雲書均排印行世

何振銑字樂甫通經好古博學工詩著有五經集證二十卷地理志三卷國朝詩選六卷蘇詩二卷法古齋文稿一卷詩稿六卷藏於家子希澄更名霏字練

丹徒縣志摭餘

卷八

儒林文苑

三

江亦能詩有稿待梓

按振銑已見正志惟子霏未載

陳疇初名炳字壽田祖文學

尚義有傳

疇幼有異稟應童子

試受知於胡豫堂學憲入泮第一嘉慶丁卯科舉人耽心經史家藏書甚富爲文淵博疑重所著錄經籍文字極夥咸刼於火時論惜之

節錄周伯義譔傳

周召齊字濂生號肄南光緒乙酉拔貢入旗官學漢教習甲午舉人試藝有電綫賦刻入黃學使體芳試牘批云按切時事洞悉源流言博非夸氣充不剽十六字傳誦一時晚年充府中學校教習爲人亦敦品著有開沙續志惜未竟而歿詩文著作哀然成集均未付梓

張寶森字友柏同治癸酉拔貢光緒戊子舉人選儀徵
學訓導父振元郡廩生績學未遇寶森能讀父書性
孝友兄慶第壬午舉人式好無間言視姪輩一如己
子同治甲戌 朝考以親老弗願赴試時鄞縣趙京
卿佑宸守潤郡促之行嗣得父耗痛不欲生太守挽
曰悔子曾勸駕終天抱恨誤舉魚因更號曰悔盦中
年淹博羣籍名滿江南大府如沈文肅左文襄曾忠
襄學使者如宜振童華林天齡爭相延攬書院山長
如林壽圖鮑源深孫鏘鳴薛時雨韓弼元均擊節嘆
賞門下弟子數百人多重品誼之士著有鐸隱齋賦
鈔悔盦試帖悔盦制藝泖游集秣陵集秣陵後集鑿
冠瀛立瀛均諸生

丹徒縣志摭餘

卷八

儒林文苑

三

江集等詩鈔味蔗軒筆記年五十九卒病篤前數月
手錄著述十餘本遺囑存老友延學士清鑒定待梓
子五升瀛冠瀛立瀛繼瀛春瀛升瀛諸生安徽知縣
趙蒔禾字菽民福建按察司使霖

正志子光緒丙子優
有傳

貢少有異稟稱神童書籍過目輒不忘有長者戲令
默歷書一頁瀏覽一過背書無誤同治朝童侍郎華
視學江蘇尤重默經蒔禾報默十三經註疏兩漢書
文選連註侍郎奇賞之稱爲大江南北一人欲以充
貢而蒔禾病嗣凡江蘇學政出京侍郎輒爲游揚試
期每以事阻滯迄丙子甫以優行貢成均 朝考授

教職官蘇州府學訓導吳江學教諭卒于任所

吳麗真字培棠光緒己卯舉人居新洲俗多詞訟得鄉舉里黨輒尊異稍左右袒可致重賄麗真恥之終歲挈其子讀書揚州僧寺資書院膏火自給創立接嬰所以救本洲溺女惡習大批用教職時選期遲滯同輩多夤緣保舉以求捷獲麗真獨不願終偃蹇以卒曹汝霈字鏡海光緒乙酉舉人任江都教諭性篤孝童年喪父哀毀若成人越兩載遭粵匪亂母趙挈子女走避江北備經險難汝霈旣冠猶依母膝下如嬰兒然終母之世未嘗遠離母歿未葬鄰家火延及居室汝霈號哭以身翼棺不顧其他風頓反火息與弟汝

丹徒縣志摭餘

卷八

儒林文苑

三

金互敦友愛勞苦必偕衣食必共學問相砥礪生平沈默謙退處家庭鄉鄙言訥訥如不出諸口及秉鐸邗上率其素性遇士坦易無城府束脩之餽恥斷斷較計或欺以其方亦笑置之時稱曹佛子近世校官易爲世詬病江邑惟道光中華教諭香谷有德望輿頌扁額猶存及辛丑冬汝霈卒於官士林懷思遺愛復懸額廳事百年間後先輝映弟汝金字衡甫事母亦孝恭兄負異稟讀書過目成誦工制藝詞章與兄汝霈齊名兄乙酉舉於鄉汝金亦充是科拔貢丙戌朝試報罷遂絕意進取性好客善飲奕座上客常滿精六壬工醫喜施予戚族仰給者數十家嘗自邗上

診病歸所得醫貲隨手散盡門診概不取貲貧者助以藥醫室中自署一聯云上醫醫國其次醫人自愧無成空有虛名傳里巷臣門如市臣心如水敢云博濟好留餘地與兒孫著詩文若干卷汝霈少子大澧有異稟年十四能文章先汝霈數日殤宗族咸惜之高壽昌字南星諸生幼喜吟詠長益肆力於漢魏六朝及歷代諸大家得其渾灑真樸之趣性孝友能篤親與人談論多談諧而寄婉諷故其詩不尙雕琢自具勸懲著有拙齋詩集

陳廷焯字亦峯光緒戊子舉人性磊落敦品行素有抱負尤能豪飲嘗念朝政不綱輒終宵不寐痛飲沈醉

丹徒縣志摭餘

卷八

儒林文苑

三

早年致力詩詞而於詞尤精一本溫柔敦厚上溯國風離騷發前人所未發中年潛心醫理篤志古文己丑赴禮闈試罷歸經山東途次聞某婦哭聲哀詢悉夫浙江人棺久停無力歸慨然贈貲僱舟伴回有俠某伺旁密偵之嗣見廷焯公正不苟始吐實情以謝著白雨齋詞話八卷大雅放歌閑情別調等詞集共四卷希聲詩集八卷年四十卒

戈嘉蔭原名兆奎字映文號竹村又號鈍盦父煌賈而好學著補園詩鈔嘉蔭天資穎異蚤孤以家貧習賈然燈夜誦書晨習帖不少間滿三歲遂發憤棄去讀書邗上年二十四補諸生逾年食餼授徒養親學兼

眾長名噪江南北書初學王趙繼參顏歐光緒志勒
序卽其早歲書也詩宗盛唐與王傑李恩綬兩詩老
相師友持論以法律胎息風骨局勢爲作詩四柱以
俗熟二字爲戒事母孝事兄悌持躬尤狷介雖處困
不輕受饋遺定遠方濬頤廉訪同里韓弼元比部重
其才品並以禮先欲爲薦達卒謝弗往嘗賦乾坤一
腐儒題云天能容我拙貧不受人恩比部擊節歎賞
謂自道其生平也然終不遇光緒戊戌病卒年四十
八著崇蘭館文賦鈔四卷拙隱堂吟鈔四卷戈嘉子
內外篇四卷甲寅冬遭家難一夕盡燬子毓書有文
行多方摻輯所得僅詩數十篇節家傳

丹徒縣志據餘

卷八

儒林文苑

三

崇樸字質堂號輝山蒙古鑲黃旗人詳邑人柳詒徵撰

傳傳曰崇樸字質堂號輝山又號中輝蒙古鑲黃旗人氏札魯特世駐京口父復初兄崇椿弟崇藻樸年二十四藻二十同舉于鄉時光緒甲午年也甲午中日之戰清祚由是而替樸藻幼穎邁兼習文史騎射既同赴春官見國勢垂殆聞朝野人士變法之論益銳身于學尋丁父艱藻以憂毀卒故事駐防旗兵讀書領鄉薦餉視馬甲樸知旗兵坐食非策不兵而餉尤恥矢不領馬甲餉授徒自贍曹輩嫉其立異喉京口副都統自邑署王公塾中召之歸營聲言傳崇樸赴操樸處之夷然猶時時爲旗兵道估勢懷安禍至無日滿蒙之人不可不自立也樸貌不逾中人視下言徐道逢人輒磬折躬躬如畏而旗籍官吏兵士咸目爲革命黨恆欲中傷之樸遂客江甯居鍾山書院每應鍾山及尊經文正惜陰各院試輒冠其軍兩江總督劉忠誠張文襄知其名聘爲編譯局分纂兩江師範學校教員初樸治周秦諸子十九能聞誦習許氏說文通小學家法爲文瓌傑淵栗下視唐宋至是益孳孳諸經期通東西教育學之郵旁涉名理質數以新說昭古謹攝齊升堂抗聲敷教聞者悚異樸居兩江師範學校凡九年兼與鄉人創思益養正經

緯達材諸學校一為寧屬師範監學兩江師範附屬
小學堂長門弟子以千計遇諸生恂恂謙挹導以植
身敦學拯國牖民之道窮日夜不倦臨川李瑞清監
督兩江師範學校偉為重之樸為人廉靜寡欲布衣
徹履不營財利得館穀養親事兄調恤嫻黨急人之
難不俟假貸以其餘購古書及金石文字入其室樊
然無紀充塞几榻棟牖胥周秦漢魏傳記表志樸為
諸生說書已輒挾黃布襪詣冷肆物色有得歸浮白
酒一觴研墨一盃諷誦臨撫殆不識寒暑樸雖嗜古
然憂世深期有所樹于政教不以此自熹端方督兩
江以攷證金石浮士多慕之樸落落自持不為端方
盡也樸性伉直自力為和易與人交中介而外夷邁
佛逆常強忍于羣眾大利害即侃侃直言不少畏避
為人迷國族陵夷里海民困之故蹈然柱然抽然首
然眈目直視聲哀以厲子固慮其死于兵也宣統三
年樸為江蘇諮議局議員議改京口八旗中學為鎮
江師範學校京口旗籍士力持不可言之斯議苟決
必死樸丹徒士夫亦助旗籍士攻樸議遂不果行是
年秋民軍入江寧謀某欲以為功詭稱樸通江甯將
軍圖覆民軍賴知之者眾得脫去而師範校舍毀于
火樸之撰述燬焉壬子歲春樸與家人咸子身居上
海樸仍授徒以館穀奉老母瞽兄盛夏衣敝衣與妻

丹徒縣志摭餘

卷八

儒林文苑

三

子臥土上遂遭疾卒樸卒時有孿生子一其一先以
饑死是年秋樸之弟子呂國銓奉樸母妻及其櫬還
京口未葬而子又殤樸遂無後

曹學詩字友白號瘦梅幼聰穎讀書目數行下初學為
文援筆立就十五歲入郡庠旋食廩餼歲科試八次
冠軍經學使調入南菁書院肄業學益進困於棘闈
五薦不售遂以恩貢就職州判赴部銓選已掣得甘
肅秦州州判缺領憑有日矣母病電至京友勸少待
學詩曰捧檄所以娛親親病尚可待耶其務內遺外
如此平生於學無所不窺而尤肆力於天文輿地測
算之學叢稿多於束笥王祭酒先謙楊侍郎頤及南
菁院長黃以周諸公偶見一斑僉歎為絕學晚得末

疾未及薈萃成書而歿深為士林所痛惜云

李振清字笠亭姪道謙為立傳

傳曰公諱振清字笠亭號潤民兄弟七人公以

次居五公歿時道謙方幼稚末由識梗概先大夫嘗謂子曰汝知五伯考之為人乎能孝于親友于兄弟好讀書嘗獨處深山蕭寺中下帷自勵夜分始歸道經荒塚累纍然不以介意且風雨無問也由是學日進譽日課執經問難願遊其門者日益多公與諸生朝夕講道雖盛暑無倦容越數年移榻于南郊招隱寺又明年復移于北郊甘露寺之藏經所皆從諸生之請也厥後寄跡于金壇遊幕于江西所至無不景慕者家素寒公以富館穀得稍裕至其持己接人競競焉自納于軌物不敢有苟且輕率之意一時都人士翕然有李五聖人之稱既又聞公長子鎮生兄言公在日嘗奉論語鄉黨及禮記曲禮諸篇為持身法坐必正立必端居必恭跬步必謹言語必信視瞻無回事無大小必敬非其友不友非所當得不取則益憬然于李五聖人之所自稱公既于院試應十餘次弗售納粟以太學生應鄉試膺房薦亦弗第著作甚富悉燬于金壇無存者予于藏書中僅得公所註周易一本圈點工整逐節眉以硃書參引諸說而發明

丹徒縣志摭餘

卷八

儒林文苑

三

之理精詞確足補朱子本義所未及惜尚缺其半殆亦燼餘物也而公之易學精矣又子弱冠時鎮生兄就武穴鹽局幕有舊硯銘曰百戰百勝不如一忍百呼百諾不如一默詢係公遺物公于言動三致謹夫非深于易者之所云耶公生于嘉慶十六年正月初九日卒于同治元年七月十九日年五十二娶太孺人紀氏賢公歿四載太孺人亦歿合葬鎮南門外都天廟後徐家灣祖塋之側子二長鎮生次金生孫乃濱金生承公弟宏琳公嗣 按正志人 物附家傳於後者有此例茲仍遵之

孫維祺字永之祖郁邑廩生父慶甲世傳經術維祺少

補諸生性恬淡不慕榮利授徒養親潛心訓故病塾師媿陋讀易則不知經傳篇次讀書則不知古今文真偽讀詩則不知名物訓詁音均正變廼取祖父課讀之本輯為周易備覽書述餘詩述餘三書大氏兼採漢宋儒先之說不墨守一家而治經涂轍簡易可

循識者咸許其精當邑人柳昕屬維祺校刻經籍維祺爲校定易本義書集傳詩集傳一刊坊本之譌又節錄備覽述餘於卷端昭家學也中年專攻三禮屬稿盈尺未及梓而病歿維祺工書尤善篆隸酷嗜金石手輯味古軒石林石雅匄古刻幾備身後多散佚子三源騫郡庠生源閔陸軍部科員源遠警官高等學校畢業生

吳麗生字紺荃廩生同治甲子舉於鄉性沈默好讀書多與寒士交不喜往來富貴場有以他事干者峻拒之或曰人孰不欲富子何自苦如此則笑而不答著讀易一斑經義質疑左氏駢語輿地撮要修月山房

丹徒縣志摭餘

卷八

儒林文苑

三

詩鈔卮言瑣記邑人王傑爲立傳子士榮諸生女春芳適諸生劉鳳章年三十守節著有茹恨集一卷掌教八旗坤維女師範學校

春元漢姓懷字鳳池蒙古鑲紅旗舉人補用直隸州知州粵亂後文教衰春元首創八旗官學成就甚眾工詩古文辭無專稿治家嚴子已成立偶有過猶施夏楚不稍寬假晚年纂八旗志二卷年七十餘卒子善彰舉人有孝行少侍父側汗透襦袴不命之退不敢退侍母游夏必舉蓋冬必溫鑪追隨於側善廣進士繆鴻儒字融生時孫長子諸生性敏達少承家學十歲能文章十二歲書丈尺字筆力挺拔神似顏魯公好

讀書手不釋卷博通經史幼有神童之日憤新學誤人著崇正編耕心草堂存稿久病魔甲寅春母支歿動甚加劇卒年三十二

李恩綬字丹叔一字亞白晚號訥齋附貢生候選訓導

以子允明職贈中憲大夫門下士炳寬等并再傳弟

子三十餘人公上私謚曰文靖先生合肥吳鼎雲撰

傳傳曰先生諱恩綬字丹叔一字亞白晚號訥齋李氏係出舒之龍眠宋李公麟致仕居龍眠山與從

弟棗里人李冲元同為山澤之游世所稱龍眠三李者也若干傳至明永樂時景國公讓以功進駙馬都

尉封富陽侯遷江南之丹徒遂世為丹徒人自其曾祖三世以來皆以科第文學顯父肇修有聲庠序道

光壬寅歿於金壇先生少孤又丁世亂賴母教以成立生六歲始能言而性穎悟初為文即驚其長老時

人比之戴東原先生咸同之交海內文士競事繁藻浮豔以弋科名人品學術日趨淺薄先生願欲以樸

丹徒縣志摭餘

卷八

儒林文苑

三

學矯之會學使者鮑華潭先生視學江南倡復古學所取多根柢深厚之士按試鎮江得先生古學卷數其淵懿樸茂拔冠其曹始補學官弟子時年已逾壯矣既受知益深遂與行不能降格以趨時好用是屢舉鄉為文益深邃奧衍不能降格以趨時好用是屢舉鄉闡輒報罷全椒薛慰農先生主江甯講席士望所歸不減隨園當日獨嘉先生一文每呈藝必列高等文譽騰起於是鴻儒碩學爭欲一識先生懷甯郝侍御同篋海鹽朱大令泰修同里延學士清合肥周中翰家謙皆與為文字交中翰父剛敏公雅重先生禮致課其孫居合肥十二年肥上知名士多從之游時仁和譚大令廷獻宰合肥大令固薛先生高第弟子稔先生名亟定交偕中翰及合肥老詩人王先生尚辰聯吟社良時佳日觴詠流連極一時詞壇之盛張文襄公介大令聘先生先生耽肥上詩酒樂謝弗往已而去肥館於江安糧道署中適園又館於徐州鎮署其地皆有山水林亭遂其歡歌之性晚就養其子安慶按察司照磨署中署故有園饒水石花木朝夕吟詠其間懌如也以宣統三年五月卒年七十有七先生性篤謹寡言笑與人交雖至暱好不為諧謔語好直言規人過非同志者每苦其崖岸不可近初苦貧年十七卽授徒養母饗殮常不繼而善承母歡晚歲以

家譜逾九十年未修宗祠亦燬于賊火乃續修家譜
而倡捐復宗祠族人咸敬之尤喜刻果報書勵世手
錄格言盈咫嘗言佛法吾不信而濟人利物勸善懲
惡有合吾儒之道焉生平無他嗜好惟以著書自娛遇
佳山水必游遊必有作倚寓記水時與入唱酬有泥
湖唱酬集並繪記光入景圖題詠殆徧於前哲遺事
尤極意表章每經忠義祠墓及古人殉難處必肅拜
再四低徊久而後去或為詩文以弔之為文宗借抱
復出入於壯海隨園兩家然每欲然不敢自信駢文
高華穠粹希蹤袁吳倚聲得碧山玉出法乳古近體
詩初從阮亭入屢變益上晚作簡質若逸直逼魏晉
作者延學士好先生詩嘗袖以入直潘文勤公翁叔
平相國孫文正公見之皆擊節稱賞先生博學嗜古
喜考據讀書有所疑必反覆探討窮其源而後已丹
鉛狼藉至老不倦好積書見異本必借鈔之自新學
行懼斯文遂喪益發憤著書遺稿不下三十種已刊
者有訥齋聯體文存讀騷閣賦存縱月軒詞錄冬心
草堂詩選眉洲室試帖及甄錄潤州賦鈔校補龍文
鞭影歷代詩人祠堂記先生詩甚富以稿付其門人
周部郎行原甄擇所選存才十二三讀者未饜也未
刊者有巢湖志香花墩志紫蓬山志采石志廬陽名
勝輯要丹徒邑乘撫餘廣聖羣輔錄尚友錄歲補
丹徒縣志撫餘卷八 儒林文苑

丹徒縣志撫餘

卷八

儒林文苑

三

文苑渠襲訥齋文鈔訥齋隨筆訥齋楹聯泥湖唱酬
集適園適然草彭門詩文存彭門瑣言皖江游草餘
蔭軒尺牘哀絃集百衲琴詞林擷雋諺林評林等書
藏於家子四丙榮五品循知縣用安徽候補縣丞署
按察司照磨兼司獄允寬太學生允傳同知允明運
同孫九曾孫五丙榮與其長子正學皆邑學生能世
其學自先生曾祖迄先生孫六世皆列膠庠有文譽
論者以為家學淵源云論曰自軍興以來仕進多門
腰金紫者不必讀書而為士者又多趨榮利不自矜
重廉恥道喪遂使貴郎輕視儒生橫加詆病至謂讀
書不能從政甚者乃以儒術病國敢取夷狄之俗加
之先王之教之上舉聖賢經傳一切唾而棄之斯高
阮燔甯是烈耶先生憫異學潮湧吾道大孤發憤著
書存文學於舉世不為之日破硯禿穎貴於珪璋可
謂篤信君子矣桓譚氏謂揚子雲祿位容貌不能動
人故輕其書然後世必傳江河之流萬古不廢吾決
言後世必有能
好先生之書者

世愚姪
時孫填諱

文苑 書畫附

宋

趙山甫京口人淳熙中習老米山水 圖繪寶鑑

釋修範潤州人工湖石 同上

明

虞謙號玉雪齋京口人永樂中官居都憲詩文政事為羣公推讓公餘寫金錯刀多自題詩於上同里王性善精醫與謙交厚善寫山水 同上

國朝

嚴文玉字琢齋號韞生諸生書法倜儻有晉人風度一時能書者如王文治李御顧復祖茅元銘魯銓姪保

丹徒縣志 據餘 卷八 書畫 三

庸顧鶴慶張崧張深郭琦十餘人皆其至友卒年逾五十一子早逝著有愛日軒詩集弟學淦 正志文苑有傳 亦

工書服膺王文治深得其妙尺牘寸楮人爭寶之周燿字南溪工山水 正志書畫有傳 之從子也均能作巨幅

而筆致超脫別樹一幟一則沈鬱濃厚一則蒼古疎遠各極其致而皴法奇異不落時派用筆用墨出乎文沈之上非胸有宋元明大家烏能臻此

勝昌漢姓施字琴夫京口駐防蒙古人工書畫博雅嗜古書法酷似篋重光畫法專師周鑄宜其名高一世寓四川多年遂家焉著蜀游記一卷晚年篆隸益精擬邊壽民蘆雁筆致饒有生動

黃兆禧字祉堂長身聳立至老豪氣不衰生平工繪山水與同邑曹沂周鎬及几谷上人輩相契合筆墨蒼老酷似周鎬往往得意之筆較周鎬有過之無不及也子孫繁衍多才鄉人士得其片紙如獲珍寶年七十八卒

蔡根字守愚一號霜畦老農布衣性豪邁而內行甚篤幼習舉業嗣改習醫嗜酒工畫墨竹善草書得山谷筆意詩以自然爲宗無塵俗氣足跡半天下廣交游有太邱風年二十五就山東嶧縣張振榮幕時捻匪方熾張督勦殉難城閉罔敢出援根獨縋城下徒行數十里獲張尸歸著浙西游草現在草堂詩集書畫

丹徒縣志摭餘

卷八

書畫

三

尤爲人寶貴得其尺縑寸楮莫不珍如拱璧年六十二卒邑人張寶森輓句曰工書工畫工詩更兼酒國長春六十年文采風流是大布衣是真名士游浙游齊游皖又向京華小住數萬里登臨嘯傲爲諸侯客爲三世醫可以知其梗概矣子四尙忠尙質尙文尙賢均有父風能世其學尙質早卒繼室吳歸甫八月守節撫孤尙賢諸生幼年寄養同里汪氏後歸宗應銓字子衡諸生善醫不懸壺工書畫詩詞山水尤著名墨瀟淋漓氣韻生動純是渲染而成深得南宮家法濃淡得宜一連十餘樹大小渾點墨痕變幻無迹沙脚平而不板鉤勒圓而能渾其著色處愈簡淡愈

沉厚神乎技矣著有惜陰詞館詩集

趙克柔號薇亦諸生布政司經歷畫法二王名噪庠序年八十二卒而精神過人尤不可及子煥號石鹿亦以畫名於時

陳世俊字哲人晚號髯叟諸生書法秀媚可人年八十餘猶能作小楷

金漢字步雲天方人父錫山善丹青漢承家學尤工山水得倪迂筆意畫山處處取滿勢鉤勒皴擦融洽分明畫樹筆筆作轉勢乾枝夾葉向背環抱布景無多而不見蕭索筆意尤蒼潤輯有薜蘿吟社三種行世光緒戊戌上元日邑人李恩綬應銓趙曾望王承楫

丹徒縣志據餘

卷八

書畫

三五

何濬熙李恩蓉爲玉山之游用壁上鄭一岡韻各賦一詩漢寫玉山雅集圖勒石誌勝一時盛稱丙辰冬金山楞伽小隱詩僧宗仰復付石印以餉朋好洵屬藝林佳話

吳士麒字少平諸生工書能文精金石之學善鑒別法書名畫晚年喜繪墨梅筆力蒼老欵署老梅秀才能作巨幅書法尤遒勁子樹基樹本均諸生樹基鐵筆樹本花卉皆爲世所珍

錢日增字春岩鄉先輩華秋崖之高足也善畫山水人物尤工寫生丰神秀逸惟妙惟肖晚年落筆清勁神游象外意在筆先邑中後學皆宗之同里潘鈞字松

山幼喜丹青以弟子禮見得其指授而筆致饒有新羅老蓮風味一時名人小象皆出其手妙能傳神阿堵中亦當時傑出才也

睦清字心泉讀書屢試未售邑人張峯愛其才授以畫法後爲夕庵入室弟子善寫生尤工山水嘗作巨幅筆致蒼古而出以自然

韓哲宣字守瑜光緒丁丑歲貢祖復耄而好學有行誼父鶴林素樂善哲宣髫齡卽喜繪事禽蟲花卉涉筆成趣師事王維翰中年篤嗜王翬模山範水刻劃精妍筆法蒼秀獨出大江南北文史舊家訪求畫件珍藏倍至暇好逃禪恒中夜趺坐素性慷慨遇窮輒施

丹徒縣志

卷八

書畫

三

凡畫資隨手散盡晚年服膺道學別號養浩子三錫駿錫璜錫瓚均諸生能世其學舌耕不預外事錫駿嗣兄步瀛績學早世

吳毓庭初名葆曾更名誦清後易今名字梓林晚號晦腴廩貢生戶部候補主事嗣選安徽藩掾並權庫廳以知府分江西候補晉道員加二品銜工篆書不立宗派自成一家八分直逼漢魏行楷取法坡公遺貌取神實胎息六朝尤長篆刻由丁黃上溯秦漢戛戛獨造間寫山水逼真倪黃小景惜不多作詩歌高古敏捷懶不收拾率多散佚卒於宣統庚戌著培花館印存子四璣早逝元慶出嗣胞弟琪曾瑋慶瑀慶

國炳字星垣蒙古翰林精小楷行草尤駘宕圓厚酷近蘇黃

玉隆漢姓沙字蘊山蒙古鑲紅旗人嗜學工書楷法唐宋迄國朝諸大家偶摹其體無不逼肖宣統辛亥殉變

善昌字子光鑲紅旗蒙古繙譯進士善書法董趙端莊流麗子桂金字鑄秋舉人

文興字筱山善書畫撥墨作古梅花縱橫疏宕神韻似金冬心書法亦清超拔俗子雲路雲書雲書翰林院編修亦善書

宋秀字耀庭漢姓李蒙古正藍旗武舉人精騎射勇力丹徒縣志摭餘

卷八

書畫

三

過人暇輒究心字法學柳誠懸好寫朱柏廬家訓筆力圓勁卓然名家而技勇武功獨得師傅凡八旗子弟同治丁卯後中甲乙科者咸出其門名稱遠近然和平恭謹有儒生氣子文壽佐領善畫山水文杏亦武舉人

同瑞字藹庭

孝友有傳

性好古博覽經史工清漢文字能詩

尤精書畫書法蘇米沈厚瀟灑愈大愈融結行楷純乎魯公三表麻姑壇浩氣汪洋不覺其小而走筆若飛畫師華秋岳黃石屏嘗以百紙臨摹一筆偶遜輒易去人物山水花卉靡不精妙往往著紙欲活氣韻天成生平喜靜惡囂多方外交有泉石癖故書畫超

逸絕倫子奎照亦工繪事以牛柳著名好爲平遠水村圖思致秀逸正志諸圖均爲手繪

段寶珊字少僊金陵諸生愛京口三山及南郊林壑流寓丹徒工書畫尤以山水名往往游覽江山繪摹其形勢曰此天然畫本故精妙絕人弟子吳冶字劍潭邑人亦以善畫名而性沈密好讀書薄富貴喜與布衣交並工書挺拔蒼老然治不願以書名惟專志繪事淺深疏密深得寶珊傳

華筱崖佚其名秋崖子善寫真精體育術運息內功及諸禽形筋勁頗得真傳年七十健步猶能陟高山絕頂自刊生平得力諸行功上下二卷曰却病彙編誕

丹徒縣志摭餘

卷八

書畫

三

日答贈賀者各一冊題首十字曰行功能却病積德可延年積修士也克紹家學晚年變渲染爲乾皴簡老落落數筆而神理逼肖用寫生法名重一時絕非西法一味塗揉可比

徐維岑字壽石號介山圖東人天資敏妙工書畫善花卉禽鳥寫生水墨丹青淹潤挺拔無堆垛習晚改浙派筆益恣肆自成一家然不免於枯老字法二王揮灑無煙火氣曾蓄古硯皆自鑄以漢隸銘誌號其齋曰百硯

趙淇字竹賓圖東世家子好讀書精書畫獨蹇於楮墨間而鐵筆極精竹刻漆雕之類神奇工巧不假措思

信手而成大小行楷山水人物花卉尤屬端秀名噪一時爭傳爲淺雕巨手蓋絕藝也凡扇骨及牙漆抉矢邊鐫會真記或紅樓評贊雖今之石印無是纖晰端楷得者寶之

楊俊字秀亭天方人布衣性冲淡善畫山水人物工寫均極秀勁脫俗寫真以渲染得神嘗作士女高曠清奇一癡叟徜徉徙倚對月哦詩拍手作推敲狀其胸襟灑落可知時金步雲段少仙輩皆出其門下子德春字少亭尤精士女恒得意於沒骨烘染人莫能及間作花卉寫真亦落落大方

鶴年漢姓卜字旭丙號子南京口駐防蒙古人善繪事丹徒縣志摭餘

卷八

書畫

三

得元人法筆致純勁花卉翎毛與黃石屏畧同讀書嗜酒不慕榮利暇時輒以筆墨自遣好施與篤於戚友咸稱渾厚

蔡源清號賓臣舉人銓年子源清候補中書科中書尋以知縣分皖委署天長縣事歷辦荻港釐務積勞成疾未獲赴任工書得晉唐宗派頗凝重求者踵門日數起

盧世緯原名復祖字敦甫一字紺齋諸生性廉謹言笑不苟內行純篤素工書秀媚可人尤精正楷善學靈飛經嘗摹臨勒石見者不知爲贗本詩文並擅名著鷓寄軒文集深柳書屋詩鈔子兆彭兆曾兆周均不

墜家聲

張芹一名蕤根字芷湘興化人寓京口有年有皖人周作楫字鄰湖者工繪事名著江南芹從之游欽作楫畫法師事之盡得其傳而花鳥尤精於師書法亦蒼勁作楫無子歿葬花山灣芹心喪三年歲時致祭終身不衰芹歿遺命葬師側子漢堯漢焱漢卿均善畫芹高足弟子首推邑人趙宗熹宗熹字夢花浙江知縣入浙後復得浙派花鳥草蟲尤擅長書法宗懷素茅恆字北山廩貢生弟艮字子厚光緒乙酉經魁父鹿鳴同治甲子舉人正志文苑有傳均工書出入顏柳米董各樹一幟負盛名所書碑版尤夥郡學樂器未備恆按丹徒縣志據餘

卷八

書畫

罕

皇朝樂譜教授諸生禮節修明一時稱盛從弟謙字子貞光緒甲午舉人見科勅辦江甯養正達材兩學校有聲由高涇校官改知縣上治水條陳萬餘言惜未能竟其學

黃應奎字蘭叔諸生工古文詩行楷法香光尤善草書臨孫過庭書譜神致逼真嘗爲趙克宜校角山樓詩賦鈔增補姚氏類腋無一譌字人皆服其心細趙贈以詩云伯道無兒同抱恨劉蕡不第漫長歎後得一子名寶璋孫虎臣能繼家學虎臣善隸篆

黃兆奎字小舟善畫工書取法王董深得古人妙處踵門求書者屢恆滿性恬淡居恆以琴詩自娛著有停

琴館詩鈔晚年隱於嵯官權通州豐利場篆每日晨起猶習古隸繪墨蘭雖至老不衰焉

李振先字詠梅工書善畫書得董趙意兼擅場法書神在篆隸間畫宗三王直入堂奧七十後求者穿戶限晚歲於山水外更寫蘭竹神似鄭燮年八十一卒

文熙字子和漢姓劉蒙古鑲紅旗人善書畫蝴蝶最精不假粉黛自然神氣如生書法董米行楷酷似文徵明弟文蔚字子貞亦精畫蝶隨意點綴神韻益覺飛揚文熙子彭庚彭年皆承家學一工書一精畫文蔚子榮魁家學蝴蝶外兼工花鳥蟲魚

春滿字讓亭蒙古正藍旗人工書近顏董善畫蘭竹豐丹徒縣志摭餘

卷八

書畫

聖

腴秀勁孫錫爵亦工書筆力縱恣雄厚近蘇黃

國濟漢姓柏字作霖蒙古正白旗人工繪事筆墨潤潔松猴尤精得法於浙人唐翰弟國英字子才增生能詩文詞賦工小楷好學文熙繪蝴蝶栩栩欲活鉤勒細勁處超軼文熙又善畫梅自號夢梅居士著夢梅吟稿浙杭紀游漫稿

安保字靜齋蒙古正藍旗繙譯生好讀書工八法善畫山水宗董巨好作秋山紅樹小景獨步一時書法顏柳行楷酷肖笄查以候補縣丞從西征軍文案累保花翎知府運使衙遇敵戰歿 旌忠烈 予雲騎尉

世職

戴怡字靜夫諸生同治癸酉舉人內閣中書銜海門廳訓導工書精繪事在白石青藤間山水尤蒼勁家藏歷代書畫甚夥而又精於鑒別故筆意高超

朱廷琛字叔獻諸生游幕多年書法工小楷得歐陽恂之奧市中問奇者履常滿

罕札佈漢姓項字廉齋蒙古奈曼氏正黃旗人性樸訥精清書並工清文光緒壬寅停文試改繙譯凡習繙譯者咸師事之

東山漢姓柏字小魯蒙古德穆楚克氏正紅旗人以軍功歷保花翎總兵銜儘先副將任京口右翼協領通清文尤精書法喜臨董其光字每與董真本並列人

丹徒縣志

摭餘

卷八

書畫

四

莫辨也亦有智略常鎮道沈秉成最相友善遇事輒與商之

余均泰字仲來諸生善畫山水筆姿秀潤與林壽先諸畫家游得宋元人意子鍾靈字韞書諸生亦工山水得父意參以几谷法筆致濃秀饒有遠神

包桂生字子丹廩貢生官蘇州府教授工書善畫筆法蒼勁不落時蹊子祖同廩生嗜金石博雅有聲媳嚴封股救夫疾里黨以賢孝聞邑人李恩綬有九言體詩以傳之

鄒增翰字墨賓諸生官徽州府知府善書工繪蘭題詠有寄託亦善填詞惜稿均散失

何希潢字星槎工山水人物花卉南北合派不名一家其畫不繁不減濃淡得宜隱居高郵臨澤鎮地既偏僻又未嘗挾技以游四方流傳於世者蓋渺然得其畫者莫不寶之

朱慶濤字海秋儀徵人流寓丹徒工繪事精花鳥尤善繪松石生氣盎然平生愛白陽山人及國朝李鱣筆意故有兩家之風弟慶淮字鏡秋住焦山多年亦精花鳥蒼老古秀落筆無塵俗氣任意揮灑自成風格法宗新蘿山人雖近人王維翰亦無出其右

徐禮字秉之工花卉有逸致氣味靜穆卓然成家與同里薛輔宸字少瀛友善同住焦山均以書畫名

明

冷士帽字又湄別號秋江笠史

正志文苑有傳諸生少與張九

徵友善國變與九徵約不應試而九徵違約士帽遂

與絕獨隱五州山尋又築江冷閣於江干日徙倚其

中蓑衣蒻笠竹杖芒鞋晦明寒暑均不一易或怪之

曰吾戴蒻笠痛勝國之天不復見著芒鞋痛勝國之

地不復履邑令某聞其賢屢造訪之閉門不納或避

匿他適九徵又頻薦之皆不答生平好山水游嘗邀

遊越中無子妻亦早喪晚年寓門人周某家年八十

餘卒

按江冷閣集有門人周開基字邑岐校字道光間里人周寶堂修其墓未知是此人否攷士帽

丹徒縣志

卷八

隱逸

器

生於天啟丁卯八月二十五日卒於康熙辛卯十一月十三日葬了髻山

董虎山字雄威性忠孝明季進士見權臣亂政隱居不

仕以詩書課子弟與里人冷秋江馬將軍同宗董元

宰等友善嘗以詩酒聚客金山妙高臺共傷朝政有

不久破亡之語聞煤山之變率家人素服向北稽首

泣曰旣生於明當終於明遂日處小樓屏客不見

國朝定鼎誓不易服邑令聞其賢欲薦諸朝往謁不

見迺避之二村結草爲屋閉戶以終妻張趙均賢子

士琦士貴

國朝

善哭生無姓名不知何許人或云丹徒人遇甲則曰某

姓遇乙又曰某姓人終莫測也嘗往來常揚鎮間所
至攜一襖被書一囊僦室而居亦時賣藥市中與之
言恢諧散誕絕口不言時事日不火食惟市胡餅數
枚食已卽臥夜起讀書讀已輒哭乙巳秋寓焦山寺
中每夜大哭不止寺僧厭之逐其去夜半攜詩數卷
自沈於江越數月有虬鬚老叟黃冠布衲渡江訪之
詢知己死乃乘橈江上溯洄竟日是夜泊舟江岸鄰
人窺之若哭若笑復爲詩朗吟數次投詩於江擘舟
而去亦不知其何人也

節錄鄭樹君
虞初續志

繆朝達字啟明號蟠復父文彪孝友有傳性冲漠不喜
與顯貴交終歲閉戶著書人罕見之少從父幕游山

丹徒縣志據餘

卷八

隱逸

聖

陰久之厭城中塵囂移居城外山陰令王葆先聞其
賢延入幕固辭復造門訪之乃閉門不納遂遯迹侯
山中就晉孔康遯世棲迹處結廬以居

趙潛字柳堂性孤峭與人落落無所合惟與同學張祥
書恩書昆仲高覲昌數子爲道義交喜論詩探源漢
魏顧不肯苟作而慨時病俗孤吟獨往於阮步兵爲
近或勸之仕笑而不答家貧怡然自得吟詠不輟著
解憂詩草三卷待梓

